

二樓紀略

小紀略 卷四

襄平佟賦偉青士

余筮仕得宰永寧訪趙寬夫

御衆

全車同

軌

兩先

生自邾延至縣署先後十年間無日非討論今古
師資逮余良深趙先生夏峰孫徵君門人高第也
從徵君受良知之學全先生一以紫陽爲法兩兩
析疑送難終不合也顧余頗得通彼我之懷竊嘗
概其言行皆皦然不滓人人知其光明者矣凡詩
古文書法亦各有獨得處未嘗強同時郭道遠

毅

寬夫先生子時占

驥

鍾聖鐸

雷雨若

肅

咸在焉

洛陽多漢宋以來遺蹟及嵩少諸山相望數百里
戒車騎約賓從大都兩先生領袖風雅郭雷諸君
景附響臻余方少年盛氣好客喜事游覽之蹤無
弗至者會當遷以去全先生爲作共食園記蓋有
慨於聚散之不常良朋之未易得也余在永寧趙
先生已沒後十年全先生來就余禾中余解官北
而先生得解額第一與雨若同舉相見京師自官
此土惟雨若居郡齋一載時占與全郭後人皆以

世講來矣一日登北樓感懷口占云問高齋之月
坐敬亭之雲把酒論詩不厭十年看鳥過探女几
之奇餐金門之秀調琴養鶴曾從百里種花來遂
以題柱

寬夫先生嘉遯清時以講學著書老車同先生則
洛東西數十年尊宿也少受知督學公選張公

徵

謂必以文章名世既磊砢不遇侍讀愚山施公
辛酉典中州試衆謂作者識者適針芥矣而卒失
之侍讀撤棘後嘆息至於揮涕孝虔頃言有老僕

隨入關中歸述侍讀已得一卷欲元之而不果出
始知其車同也余在永寧則聞卷爲經房所乙故
未獲見然文章真契正不關於得失觀其詩有云
吏部卽督學張公把文慚共賞翰林謂愚山泣血憶相明
所謂舉世無知己終身思舊恩也乙酉乃仍得元
文甚高古推起衰手距侍讀秉衡時餘二紀矣

題共食園圖

宣城梅文鼎

郡太守佟青士使君出其共食園記及其圖鼎受
而讀之乃益信使君之爲治實本於學也蓋仕學

之分久矣使君其古之仕而學者歟宓子之宰單
父或疑其少然卒以鳴琴理者所師友多君子也
使君起家宰洛西年如宓子所延致皆河洛間理
學名儒淵雅道素以相切磨亦如單父在洛西十
四年與其人士若主伯亞旅若師弟子旣鼎新黌
序肇興學會又以其餘力闢官舍隙地爲圃引水
灌之渚爲壁池作亭臺小院其間與賓客遊處賞
奇析疑悠然自遠按圖徵記猶令人健羨神往况
久於斯園者乎全子車同於使君之超遷楚守也

不勝聚散之感爲詳記爲園始末與主賓聚處之
樂以志不忘使君亦眷眷藏其記行笥復命善繪
事者爲之作圖良有以也今夫學而後入政人皆
言之顧學止辭章或不適於用驟膺民社假手捉
刀簿領紛拏日不暇給以視洛西賓客可同日語
哉夫心有餘於事則事治而不勞清明在躬而萬
事就理惟仕而學者能之非詩酒優游之謂也側
聞洛西得使君而人文蔚起至於今弗替使君之
以教爲治以學爲仕小試之爲宰大用之作郡茲

竊爲吾宣慶矣使君之蒞吾宣也未期月而民懷
其德士服其訓吏畏其明若春日之陽而品彙昭
蘇也又若秋月當空而容光必照也三年以來誠
信益孚於民事也罔不躬親又奉檄賑荒折獄於
江南北諸郡邑席無暇煖而神益王氣益充心益
暇非學問之力而能如是哉宣郡自昔多賢守然
惟盱江羅近溪先生以講學爲政事設書院會館
以居學徒致龍溪緒山諸老來主講會或相與探
奇山水六邑名勝多遊跡焉而郡乃大治繼之者

使君矣茲使君方修復文昌臺正學書院亟亟以振興文教爲已任其將大有造於宣而異日爭傳爲盛事又豈讓洛西乎謹拜手而爲之跋

綺霞閣者郡通守廳事後圃所建宋淳化二年姚鉉移唐人鄭薰刻謝公集中詩三十餘首於是閣歲久模印字多訛缺天聖四年乃以謝詩分勒二石對峙樓壁之下蘇爲有綺霞閣詩碑亭序其稱東平駕部者不詳名氏嘉祐七年田曹郎石君堯夫得謝公東池構爲飛閣章一氓爲之記有云亭號

白蘋用柳惲之雅詠渡名黃葉出何涓之麗賦率
採擷雕章作爲崇屢謝公風雅所宗餘霞成綺傳
布海縣後之人振風藻之景標圖誌之名觀其所
述與刻謝詩事乃嘆自唐而宋流芳不泯至今猶
如一日正賴有好事如諸君子者耳鄭之刻自大
中十一年蓋從河南尹觀風茲地今再刻宋碑亦
無存者而後人猶得考其歲月姓名想見其好古
耽奇往往合轍則以序記存也唐刻在郡樓西北
隅今北樓志古蹟以經遷去故不載卽通守署亦

二 相系田
無復謝詩碑矣爲特著之

推官廳有覽翠亭宋節度推官李君

逸其名

建而梅

聖俞所名嘗爲之記亭廢碑沒後陳充實來爲是
官發而得之復表之亭上文信國有詩并序當時
已相去二百餘年矣 國家罷巡按御史因裁理
刑今廳廢六十餘年不可考而梅公記與文公詩
序自宋以來流傳竹素然梅記又言太守邵公於
後園池旁作亭春日使州民遊遨因命之曰共樂
古之所謂政通人和者亦可想見矣

張文潛有宣州後堂詩云雨過山亭暑氣微老人
猶未試生衣蒲園閒綠無人到盡日南風燕子飛
嘆其清絕

謝宣城集近郭見齋司馬刻者最爲善本嘗與余

商梓吳才老韻補益明太守黎公

晨

舊刻之郡齋

者今不可得矣見齋工詩意氣豪邁而能下士曾
得元珮婺州寄詩有樽前寒士蒲花下吏人稀之
句數舉似余曰沈子知人余每探奇覽古得一遺
蹟未嘗不報見齋唱酬忘倦也

趙文敏蘇侯政蹟帖在涇縣學蓋承務卽蘇濟涇
尹也其文爲教諭梅震撰至治二年所建久湮頽
池至近始出嘗夜有光怪見者疑是寶氣發之乃
得是帖事與泉州淳化閣帖光出地中樞馬驚怖
絕相類又郡齋舊有大字千文明中書舍人新安
詹孟舉真書字兼顏歐虞柳在蜀府者爲第一本
宣德中太守袁公旭摹刻於郡屠赤水謂江西諸
本皆不及遠甚也今徧搜石刻不得并搨本亦無
有珍藏者矣

城西一峰山之巔有怪石如枯櫟李太白題雲根
二字郡志云今猶可識余數爲一峰之遊求之不
可得也志又載敬亭廣教寺雙塔中有蘇文忠書
鐫石後寺燬塔級皆廢余遣吏累梯以上拭古甃
僅有蘇刻二石可摹然則非歐公之集古錄決當
剝蝕殆盡是紙墨流傳愈於金石也涇之水西東
峰亭有唐中丞袁傖招討江淮與劉太真等賦詩
刻石後裴丹至水西於荊棘中得斷碑色黧狀方
中有袁傖二字耳周紫芝詩如何一百八十載只

有袁慘字宛然況於歷年又多不可復識者耶宣
城吳氏有忠勤樓故丞相第中宋理宗御書袞繡
堂董文敏書湯氏晤菴亦文敏書此外西樂菴趙
凡夫宦光篆凡夫精古篆隸著有書極精辨開雲
菴周鹿溪鑣書皆可貴也 國初張藐山慎言有

墨蹟在敬亭今刻之額珠樓翠雲菴有鄭谷口簾

八分書曰數折入松徑一籬開竹關曰野水盡頭

毫末細青山絕頂墨光寒竹隱菴古桂修竹象外

幽好湯巖夫燕生聯云參玉版禪師令我得入聞

木樨花香於爾無隱篆極古雅此雖近人亦難得
也巖夫太邑人蓋有道而隱者 附秋日同僚友
竹隱庵看桂詩秋雨瀟瀟灑北窻連宵幽夢遶幡
幢修篁歲歲添千個老桂年年只一雙密葉隨雲
低客座落花和酒下吟缸邇來莫訝耽遊賞向日
煙霞興未降 重陽後一日登一峰詩平生野興
耽遊騁况遇清秋佳日多白眼看雲行處醉青袍
藉草動成歌疎林紅紫歸楓柏古寺煙霞老薜蘿
合與黃花相伴住重陽寧但兩來過

袁修東峰亭詩今猶傳者意其見修集或劉太真

集太真宣城人也修賦垂澗藤

寒澗流不息古藤終日垂迎風仍未

定拂水更相宜新花

郭澹賦臨軒桂

青青芳桂樹幽陰在庭軒

與舊葉惟有幽人知

蘇寓賦寒溪草

羃歷溪邊草遊

共看霜雪後終不變涼

暄袁邕賦陰崖竹

人不厭看餘芳幽處老深

色望袁邕賦陰崖竹

壁苔

色冉冉溫寒泉綿綿古危壁光含孤翠動

涇志

尚有三詩今從郡志

郡以陵陽山爲主北則敬亭其屏蔽也南有華陽

高千餘仞周數十里又有高峰踞華陽之南山頂
有庵依巖構屋覆以鐵瓦人多雜爰猗以居東爲
麻姑山有仙壇丹竈諸蹟前賢題咏甚多唐劉滄
麻姑山詩麻姑此地煉神丹寂寞煙霞古竈殘一
震澤秋江遠雨過陵陽晚樹寒山有震澤秋江之
頂白雲千萬片時聞鸞鶴下仙壇

句是高處望太湖也余未及往遊但北樓憑眺可
見西則盡宣城界俯瞰大河有山曰行廊以兩山
對峙若廊廡然也宋人周紫芝有咏法雲寺詩云
瀛海從來只一漚何妨飛錫到中州解將甌鉢橫

雲海嬾向秦淮障逆流以寺有杯渡與梁武帝像
故咏此深有得於風人之旨也王子次云有行廊

詩其咏法雲寺託興亦遠故備錄之 觀音崑

刻山骨一龕綴星房香室空鳥跡梵唄亦微滴水

洞披榛得寒泉愛此清光發一勾瀉雲根法雲寺

白下雨花臺青山法雲寺廢興不可常白雲池

不到處茶經未爾傳雲光爛石鼎綠竹院暮色橫

霞散積水山僧候柴扉思坐饒

元遺山詩東周死愛華不注向在陋邦何足數敬

亭不遇謝宣城斷岸何山比天姥信乎以人傳也
雖然山水之趣惟有真性情乃能領之元暉以宦
游而耽泉石宜其五馬數旌遊歷殆遍耳古之人
身在廟堂心懷丘壑如王荊公大拜日題窻間云
霜松雪竹鍾山寺投老歸與過此生此易爲俗人
語耶近見王新城古懽錄悉載高隱遁世之士與
之遙集以寄物外之思焉嘗題梅耦長畫寄王千
峰運使云寒山落木石峻嶒柳栗穿雲最上層行
過虎溪看塔影此中合著六朝僧亦與荊公意近

新城得君千載盛遇而賢者之於山水其夢想轉
在三衢九陌間往往然也梅中丞桐崖官太僕時
已作敬亭獨樂圖爲思穎詩之續蓋可見矣韓宗
伯慕廬題二絕句云茗椀鑪香早散牙情知大隱
癖煙霞雙竿仍是都官路未許紅藏小謝家別業
吾家有退之宛溪會與阿咸詩江南山色渺何處
儂却如儋不得知

西候亭唐天寶中刺史趙悅建太白有頌因之遂
傳其地蓋不可考序略云出自西郭蒼然古野道

寡列樹竹無清陰亭候靡設逢迎闕如我天水趙
公作藩於宛陵實相此土陟降觀之壯其廻岡龍
盤沓嶺波起勝勢交至可以有作方農之隙廓如
是營納遠海之餘清瀉蓬峰之積翠洵一方雄勝
之郊五馬踟躕之地也是爲城西官道之旁無疑
太白獨坐敬亭山二詩疑當在山絕頂謝公賽雨
處卽今廟埠舊刻李詩遺碣尙存有擁翠亭久廢
余爲新之然所謂彷彿接天語者究未知何處翠
雲庵去此三里許

唐大中時刺史裴休始建遊人
廣教寺因卜靜室爲翠雲

大都從廣教寺坡陀曲折以入翠雲抵額珠樓而止未嘗窮茲山之勝也

裴休贈廣教寺斷際禪師希運詩自從大士傳心印

額有圓珠七尺身樓名蓋取諸此

唐獨孤霖謂郡以溪山名而溪小負然宛句合流逶迤帶郭風月之夕淪漪澄徹實亦北樓之勝觀也城南則響潭在石壁下丹崖百尺下瞰深淵扁舟經過谷聲隱隱相應昔人題咏甚多城東北四十里有埭湖北曰北埭南曰南埭元貢學士奎尙書師泰所居惜未獲乘暇放棹其間耳

宛句合謂之雙溪謝公有尋句溪詩云方尋桂
水原謁帝蒼山陞辰哉且未會乘景弄清漪瑟
汨瀉長淀潏潏赴兩岐輕蘋上靡靡雜石下離
離李太白宛溪館詩吾憐宛溪好百尺照心明
可謝新安水千尋見底清響山則李詩連山似
驚波合杳出溟海梅聖俞遊此云寒竿進溪曲
古木暗城頭鳥過空潭響船隨碧瀨流元葉道
卿詩泛舟南埭湖先從北湖去水外淨浮天雲
中藹無樹劉道夫詩暑到重湖少涼從薄暮多

又云坐久香浮席露華初泣荷宛見水國風味
矣

三天洞洞中三竅通明見天旁有風穴有暗洞皆
深宵莫可名狀貢學士奎詩山風潛入戶泉竇暗
通池梅大叅守德則云地疑探禹穴人似見秦餘
湯司成賓尹云地肺風嘗宿山頭日欲銜又乳借
仙丹和崖驅鬼斧剗此景殆奇絕也雲山山頂有
藏書洞下有金牛洞洞亦奇屈曲豁然秉炬循梯
延袤百丈而膏乳清泉窈窕寒綠仙蹟則石枰碁

子在焉宣之士子雖好遊者亦往往不能達余聞其勝未嘗不神移久之

文脊山高數千丈周廣三百餘里其陽在寧邑其陰在宣卽柏槻山也新安潘景升之恒有記而所謂山門者乃其東南屬寧境石壁峭立劃然中開儼若城闔故名中有六洞曰紫雲曰夕陽曰朝陽曰明心曰碧雲曰連漪晉處士瞿礪先生嘗隱此洞前瞿樹爲所手植一本三種相傳天下無二株瞿礪先生者莫知姓氏太和中隱居是山之麓山

有瞿礪石因以爲稱桓溫嘗往造焉將辟之見先生披鹿裘坐石室神色無忤溫及僚佐皆莫測乃令伏滔爲贊宋以來題咏甚多邑人屠羲英哀以爲山門集余初至課士以文春秋望命題陳尹芷濱有詩云雙溪縈帶水環流文脊高凌碧漢秋萬井黃雲鋪綠野千林朱果挂丹丘捫蘿直入瞿礪宅酌酒如吟謝朓樓極目晴空圖畫裡何時屐齒得從遊逾年行縣乃曲討危尋頗領其勝芷濱新建宜一亭請余題柱爲書云山門天鏟疑巨靈曾

來六洞巖深緣底坼石室雲封問瞿硎一往三花樹古爲誰陰別有倡和詩不具載

沈存中有山門詩并序詩狀山門甚奇又梅都官

和張簿遊山門詩形容宛然青山中穴爲大門下

出納不計限雙峙平削無刀痕入門復見田園笑

田外峯巒迴抱尊棲靈竇怪不可詰夔魑往往來

閣六洞詩各家多刻畫今考施愚山侍讀遊記有

朝陽紫雲漣漪而無夕陽明心碧雲三洞其曰枇

杷曰龍潭者又別自爲名意紫雲與碧雲朝陽與

夕陽古分舉之而今合以爲一耶枇杷龍潭又未

知與明心何屬然味其名必出里諺也 附山門
詩山靈不自闕石洞啓天然花異還畱樹仙遊莫
紀年何時成獨往遂此息雙肩徙倚澄潭上塵容
空自憐

余以勘災行南陵時西南山農苦旱遂單車往其
地鄉進士沔陽州牧敏若黃君率子弟迎之郊君
杜門久雖長吏罕識面乃爲余一出其子弟以文
受知余者至是始皆來謁余旣辭別君因令兩黃
生導行望中摩空特起青蒼巖業者詢之則所謂

工山也陵西南隅接池之青陽銅陵而此兩縣本析陵壤置故太白所題咏如五松山銅官冶皆外屬隱靜亦隸繁昌工山者陵邑之鎮山也晉孝子何公琦常棲隱焉宋有李孝子經廬墓於山之麓其南曰朗陵山亦以何公名稍北曰射的山居人以山色占歲寰宇記云射的白米斛百射的元米斛千又西北則白石山一曰內翰山以宋學士徐公勤名然皆羅立工山之側而工山聳處獨尊問登陟所由則險峻惟羊腸鳥跡禱雨龍池僅達山

腰焉余凝眺久之愛其奇秀萃嶺而方檢災傷悵
然不樂亦未暇往遊也退考郡乘見其登茲山者

最善名狀因錄於後宣城梅孝廉清詩云嶺峴工

天峰獨笑俯瞰東南間千巖列峻齒大江匯其下
如帶明秋水拱手忽長嘯空濛見九子空谷風冷

冷一泓響雲底云是古龍湫飛濤邑人秦憲副仁

灑千里我呼朗陵侯何處應聲起管詩生與工山俱不識山何似秋日望山色朝青

地浩然化為水霜風吹客夢驚聽濤聲起曉瞰推

宿暈澄霽方徙倚怪石蹲上頭叫拔不可通奮足

越嶙峋却顧肯自止攀蘿上天際此際堪千里囊

日極目處今反在其底遙揖芙蓉峯逡巡不敢齒

江水衣帶間盈掬顧可灑睠茲東南岫千塍錯繡

綺披襟清冷風天籟足宮徵孰與弔古烈忠孝立

人紀願言訪遺
丹修真跨赤鯉

望工樓記

望工樓者南陵劉君念庭之別業卽依水園西軒而構之者也君王父故觀察使世稱工峰先生邑有山曰大工直西郊截業天半爲茲方鎮觀察晚以爲號君父封承德君歿太學觀察季子也嘗於居第中葺一室曰望工志終身慕焉至君乃復爲是樓云余每至縣輒過君所觴咏園中見研山施公繹堂沈公諸名家題贈愚山施公有詩云萬卷

坐深樹孤亭收碧池爲追和之旣登樓則山水之
勝羅列几席隱隱見西江及九子諸峰君指大工
述樓所由名曰祖父襟抱庶幾常目在之余以是
重君之孝思而於觀察之遺事尤有感也考觀察
萬曆中成進士初宰巖邑其入爲御史也凡歷四
朝當其時明之國是日非黨禍日起君子與小人
爭廟堂復與官闈爭遂有奸邪倚宦官以傾善類
士大夫蹈危機者多矣觀察方當言路爲醜正者
杞轉外未幾兩召入臺中卒出爲按察自免歸終

老林下人且謂所遭之獨幸迄今讀其奏議抗中
貴擊宵人不遺餘力其不爲楊左諸公者偶也而
剛正之氣固與諸公並存天壤矣至若存心平恕
忠厚居官持大體不立威名致政後尤澤及其鄉
嗚呼此所以身名俱泰而後賢世食名德之報也
詩有之維桑與梓必其敬止承德旣奉觀察之志
行以淑其身以訓其子若孫而君於此復一舉目
而不敢忘焉高山可仰豈其望之云乎蓋繼述之
善具見之矣夫古之孝子有父名石而終身不履

者今觀察以工山爲號而再世望之其不忍之心則一也余故樂爲記之而因推觀察立朝大節以附於論世之義焉 附過依水園次施愚山先生壁間韵二首鶚冠從白首高引爲逃名自是心能遠無妨家在城琴樽娛老日春夏讀書聲物理閒中看囂囂何限情園林饒逸事俯仰更何期雲近層層閣魚跳灩灩池松風眠永日花氣醉芳時雅愛騷壇客琅玕累贈詩

杜牧之南陵道中一絕云南陵水面漫悠悠風動

雲輕欲變秋最是客心孤迴處誰家紅袖倚江樓
余嘗由南陵至秋浦馬上吟九華山路雲遮寺青
弋江村柳拂橋之句以爲詩中有畫牧之送裴坦
判官其曰舒州者今之安慶也撫軍駐節其地故
余歲道南陵以往皆重岡複嶺無所謂江樓考與
地志則繁昌者故南陵地唐昭宗始以爲縣乃知
小杜詩正鵲岸赭圻之間瀕江舊治也

杜牧之遊水西寺詩云李白題詩水西寺古木迴
巖樓閣風半醉半醒遊三日紅白花開煙雨中

集作

山涇令取其意爲作煙雨亭然觀周紫芝竹坡詩
話則謂杜又有五言三日去還住一生焉再遊含
情碧溪水重上粲公樓宋時詩版猶存而杜集不
載今郡志收之玩詩意亦是遊水西寺非別有粲
公樓也蓋用少陵吾亦師粲可語耳涇志以爲韓
翊詩尤誤

水西相傳唐宣宗避跡處有長安若問江南事爲
道風光在水西一詩謂風光宣宗小字又有與黃
蘗禪師聯句按唐史宣宗爲諸王曰初無避武宗

而祝髮爲僧之事蓋會昌沙汰甚至佛氏之徒故
從而傳會且託爲咏瀑布詩若黃蘗及諸僧知其
將貴不可言而護持之者以神其教二詩又皆淺
俚非唐人語余至涇土人猶言碧雞黑虎事以爲
奇恐未可深信也涇宋志已有及此者并論之

枯樹賦云南陵以梅根作冶亦在江鄉唐楊盈川
送友之宣州文云川迴鵲岸之洲山枕梅根之冶
左傳昭五年楚伐吳吳人敗之於鵲岸西京記云
今居巢江南水有鵲尾渚者是也孟浩然泊宣州

界詩云西塞沿江島南陵問驛樓西塞卽金陵之
西南與烏江相近又云火熾梅根冶煙迷楊葉洲
石逢羅刹礙山泊敬亭幽江行風景歷歷如畫
池州杏花村今郡人郎趙客遂有志余數經秋浦
停驂往遊初馬西齋爲守與通守胡遵王更相招
邀探奇選勝極歡始別九華奇秀固劉夢得所悔
失之者今以喧囂爲茲山累天臺則自幽絕然非
眞嗜奇輒以險仄驚怖而反余於此殊自謂能濟
勝一日登齊山最高處誦牧之江涵秋影雁初飛

之句頓覺致身蕭爽此又別有景象也 附壬辰
仲秋同雷績溪貞庵陳寧國芷濱勞旌德以三遊
天臺紀興三年經九華路傍但引領一旦奮游屐
遂造最高頂芙蓉秀可餐五老遙相引雙燭映天
青玉屏隔晝暝凌虛大士身欹側神龜頸元兔不
知年峭壁化蒼隼奇峰難盡狀靈秀應獨秉雲烝
晴亦雨勢高風倍冷石罅亂鳴泉松竹森青影俯
首視東崖天柱成低埂北眺萬山外大江一何迴
豁然胸襟開亦云快馳騁始信聆空言不如歷真

境筋力豈不疲涉險魂頗警羞教空手還庶免山

靈屏誰能同此行健哉績溪尹胡爲兩縣宰

時陳勞二

君行至東崖而返

拄杖回半嶺兀然守禪室何異坐深井

鐙下聽我談無乃懷耿耿從茲運爾足游轡會重

整齊山懷古亂石嵯峨勢蜿蜒大江西望遠連

天練鋪不卷山啣雪馬去如奔風縱船一線沙隄

通驛堠萬家鱗瓦簇人煙古今多少登臨客杜牧

携樽句獨傳

白下六朝佳麗地江山勝處游覽多在城南郊外

則雨花臺半山園若長干秦淮青溪桃葉驍騎航
烏衣巷弔古者率多題咏要之喧囂市廛間也城
之北冶城謝公墩華林園邀笛步諸遺蹟無從彷
彿然試訪舊內後湖故南雍餘址風景清曠與城
南異余歲有事會城暇卽擇幽處彈琴賦詩其間
一日同諸子登牛首山因宿上方僧舍獨覺天闕
對峙祖堂羣峰迴出雲表洵曠觀也豫撫襄伯張
公時爲安徽方伯於後圃構復瞻園得明魏國徐
公府故勝懸之一時傳爲勝觀余數從觴咏有和

陳健夫

于王

瞻園十詩未幾健夫歿山左公旋奉

巡撫之命遷去而以事罷言念昔遊彌深往復

附瞻園詩十首之二畱得瞻園勝重懸也未遲由

來庾信宅不碍習家池風度真無匹胸懷誰與期

幅巾蕭散處杯茗亦隨棋微官三十載牛馬混塵

埃敢作鹽車泣欣逢伯樂來芳筵叅末座逸響憶

平臺獨愧滕王閣偏無授簡才江上路朝行江

上路暮行江上路江水去何適行人有新故青青

澗底松千載神明護梁棟姑儲材鬱鬱飽霜露仰

首望高空浮雲飛亂絮倏忽變百端宇宙無長住
瞻彼南東畝農夫以萬數勤惰混不分朝夕任來
去耕耨旣不時刈穫將安據譬之雲錦段要是妙
手付一旦失裁剪曾不比繪布釣鼇者何人回首
羞狼顧

江淮一帆頻年北向蓋承制府檄勘水災於鳳陽
所屬因散賑徐沛嗣有捕蝗淮浦之役徃徃中畱
連光景頗亦不廢嘯歌曾與靳漢原張鶴里郁翎
蒼方虞律方亮書劉赤符諸君日讌飲於玻璃泉

上同步歐公原韵咏第一山以志都梁之勝方淮
南北旱蝗江行自真州入口過廣陵訪舊遊處匆
匆一至蜀岡登平山堂遂解維經秦郵白田抵淮
郡遍歷山陽鹽城流陽最後至宿遷睢寧幸蝗不
爲災歸舟得徜徉眺望與客湯省庵張秋谷唱和
而余每携琴登崖卽埽石焚香與秋谷對撫村童
野叟環聽曲終散去不知爲何長官也淮城北郭
大有園亭臨水如卷畫因記趙嘏詩芰荷香繞垂
鞭袖楊柳風橫弄笛船許渾詩劉伶臺下稻花晚

韓信廟前楓葉秋亦足以見此地風景矣

桐城方子引除嘗談天柱山之勝蓋漢時之南嶽也在今潛山縣始漢文帝以名山大川在諸侯者諸侯各自爲祠天子不領及齊淮南國廢令太祝盡以歲時致禮如故武帝巡南郡至江陵而東登禮瀟之下天柱山號爲南嶽焉余至皖數登大觀樓望楚江從西南下鄂渚彭蠡諸水會於其中滔滔天塹遂雄南北因同僚友賦詩又嘗相約爲天柱之遊而以吏事未暇也引除謂世慕其勝然常

在雲中隱不可見遊屐所至者山椒諸丘壑而已
高處絕人跡或一峰中斷石梁橫度危險不敢過
俗傳仙橋云又言浮山亦天柱之支大水外環莫
窮所際往往延袤周遭方氏先人丘壠廬舍亭軒
竹石之觀多有在者欲窮三十六巖七十二峯之
險皆莫可得又微獨引除矣

明羅公近溪守宛陵視事講學暇卽出遊遇勝景
必題字小胥橐筆石工携槩擘窠磨崖之具皆在
焉視馬蹄停處乃前以供指揮書法極工至今郡

中盛傳此事余數見其遺跡如柏槻有飛橋兩涯
斗絕中有高峰醺水爲七道梅氏先人稍架石聯
屬類彩虹天半殆造物所位置宣城二十四奇景
之一也公題曰引虹曰谷口曰雲生處曰臨流曰
流筆最後曰奇甚又進則爲仙人巖於是歎觀止
焉

余嘗行縣至旌德見三溪石壁上高山流水四字
旁鐫近溪書三溪水極險處中皆蹲石如象如馬
激流聲怒而兩山夾立裁通一徑可二十餘里行

者病焉公之題此殆亦自寫胸次所謂水流心不

競者耶石壁奇險郡人宋周紫芝詩極摹其狀今

錄於後入石壁

兩峯夾天高一水遶山麓鳥道纏山腰下臨千仞谷俯視寸草心千

章羅巨木道險當捨車重趼摩兩足不知誰鑿虛穿穴入山腹平生蜀道難耳目聞見熟茲山亦尤

物初未挂史牘了知天宇間萬險自重複窮人出重鎚銖凌冒取危辱歲晏雪霜多歸途戒當速

石壁

倚空山嶄巖平地石齒齟齬修塗繞危磴十里無寸土山高不見石霧重自成雨入壁始天

明出壁日過午青蒼斷崖谷開豁見天宇稻田碁局方梯山種禾黍道傍兩三家稍稍聞笑語始知

在人間邂逅得徒旅僂僕饑欲啼遊子懽自許携挈老一厘白髮無處所何當把春犁望月耕壠畝

閉門了殘年危磴不復取

旌德石壁宋胡安定有詩并序大略言自新安歷旌德而仙尉會公望同遊石壁蓋勝境也奇峰對聳清溪中流路出半峰佳秀可愛余詢居民謂雨則飛瀑南北山各白練千尺二十里間錯出不絕其景尤奇宋汪彥章宿三溪詩云驛荒苔半侵村迴鵲孤立西風舉衰柳山雨寒更急經行僅回首歲事忽將及空餘候蟲號未受霜氣蟄松膏取隣火對燎客衣濕試起望諸峰天涯夕陽入雨中意象可想

棲真山方輿志以爲竇子明隱處今謂西竺李太白登敬亭南望懷古詩敬亭一回首目盡天南端仙者五六人嘗聞此遊盤溪流琴高水石聳麻姑壇白龍降陵陽黃鶴呼子安神仙傳竇子明爲陵陽令避劉聰亂學道棲真山唐人詩白龍已謝陵陽去黃鶴還來呼子安蓋子明弟也鳧山所祀晉之隱者不顯其姓大都山水奇踪多棲靈異不可用常理相格余特以其可供遊覽也寧過而存之琴溪以仙子琴高得名山最奇秀瀕溪則丹洞在

焉摩崖碑刻不可辨余數過其地偶一撫絃於橋上真覺山鳴水湧不啻成連之移情也溪有魚以三月上巳出相傳藥渣所化元劉得之詩風帘桑落酒春網藥渣魚最小而龍鬚名琴高魚山谷送舅氏野夫之宣城云霜林收鴨脚春網薦琴高直以其魚名故用之非歇後趣韵也 附琴溪仙峰詩誰謂神仙事荒唐語不經遺踪曾未遠峭壁有餘青春暖魚如約雲閒洞自扁塵緣何日斷碌碌且飄萍 又得溪字一首按部三回過此溪一回

一度醉如泥猶憐陳孝仙峰字不向蒼崖頂上題
水西之勝以太白始有聞余歷遍三寺訪東峰亭
古蹟不可得登幕山大觀亭俯視城郭村隴如畫
山爲唐左匡政建軍幕拒輔公廼於此因名焉實
邑之屏蔽也

台泉山當入歛之道南行達旌必自山麓石徑有
瀑布甚可觀余有事新安與程偕柳張吾未諸子
經此循磴道而上山多奇勝四面皆石中有鬱孤
普陀王磬諸巖洞台泉精舍明相國許文穆公讀

書處久廢里人趙氏稍復之羅近溪與錢緒山王龍溪諸先生題咏舊刻存焉偕柳云明時涇從遊者巍科顯仕至今稱九進士並於文穆弟子中多爲時名臣尤不易得矣

涇之爲縣始見漢地理志疑以溪得名今之賞溪一曰涇溪是也李太白遊涇所咏佳山水多而水西桃花潭落星潭三門六刺澁灘漆林渡則皆其鼓枻高歌處汪倫萬巨附以名後世藍山在落星潭之上見寄何判官詩而涇志又謂碧山爲白所

棲至引問余何事棲碧山一詩爲據此則好事者
附會之過不知碧山故是通稱耳然如葛洪井劉
遺民釣臺亦皆無徵也

黃山之勝載圖誌者略存大都余以戊戌春有檄

會新安特停驂茲山之麓青鞵布鞵入焉惟恐不

深乃得目屬其奇焉

別有游黃山詩

唐宋以來作者無慮

數百家惟李太白二詩凌高厲空負青天亂浮雲

後來無以及也登天柱石望黃山一篇

有云韓晨騎白鹿西

征華山中玉女千餘人相隨在雲空見我傳秘訣
精神與天通何意到陵陽游目送飛鴻又云黃山

過石柱巘上攢叢因巢翠玉樹忽見浮丘公又
引王子喬吹笙舞松風閒咏紫霞篇請開並珠宮
步岡繞碧落向樹招青童送溫處士歸黃山黃山
何日可攜手遺形入無蹤
例三十六蓮峯丹崖夾石柱齒蒼玉芙蓉伊昔升
絕頂俯窺天目松仙人種玉處羽化留餘蹤亦聞
溫伯雪獨往今相逢採秀辭五岳攀鸞歷萬重歸
休白鵝嶺渴飲丹砂井鳳吹我時來雲車爾當整
去去陵陽東行行芳徑叢迴溪十六渡
碧嶂盡晴空他日還相訪乘橋躡彩虹圖經稱爲
軒轅帝修真之所原名黥山唐天寶中改今名山
當徽寧二郡中盤亘三百里而三十六峰內屬者
凡八曰翠微曰天都曰望仙曰九龍曰聖泉曰疊
嶂曰仙人曰芙蓉其屬休歙封域者曰煉丹曰青

鸞曰紫石曰鉢盂曰桃花曰硃砂曰獅子曰蓮花
曰石人曰雲際曰軒轅曰浮丘曰容成曰上昇曰
清潭曰仙都曰石門曰碁石曰石桂曰雲門曰布
水曰石床曰丹霞曰雲外曰松林曰紫雲曰飛龍
曰采石唐釋島雲詩峭削僅傳三十六參差何啻
一千餘其香林上剎有名數外剎山架木精舍不
可勝計而最幻者莫如前後雲海真宇宙奇觀遊
人遲之有竟莫獲覩而去者湯泉出硃砂峯下賈
島詩維泉肇何代開鑿同一儀五行分水火厥用

誰一之霞掀祝融井日爛扶桑池氣殊礬石厲脉
有靈砂滋最善名狀余遊罷解衣一濯三沐真有
伐毛洗髓之快葢山中詩僧野衲羽士樵人衣裙
悉染煙雲面目都無塵土俗吏憇止殊長道心而
匆匆登車以去正復臨行重回首耳 附遊黃山
詩洪鈞造物有餘力五嶽之外鍾黃山龍嵒各方
分巨鎮復此奇秀峙東南三十六峰參差出前海
後海相鈎連尖如列戟平如几髻螺睂黛爭鮮妍
蓮花峰頂石磊砢居然菡萏翻綽約雲梯百級望

中遙王鉢直從銀漢落天都
笑兀仰撐天文殊生面爲誰鑿
東瞰東山丞相圍雲舫隱現隸山腳
石筍松谷尤險艱足繭心悸不能攀
藥竈丹爐竟何許令人長嘯呼軒轅
何當蟬蛻爲飛仙逍遙跨鶴群山巔
蒼猿白鹿相後先仰吸沆瀣眠雲煙
此生不遂向平願行行回首意茫然

桐川壤接寧郡風氣亦頗相似而地在吳越之交
車行指宣舟行指湖其東南田原平曠民諳蠶桑
化茗雪之俗也余以會勘南湖至近則與刺史榕

客周君交最善君詩學有先公櫟園先生遺風而
君兄龍客外兄雅存馮君皆與余同遊江上諸勝
一日余獨憑北樓東望久之咏唐人張南史海樹
凝煙遠湖天見鶴清之句私謂此語與青蓮鏡水
虹橋遠近各極其致又念君之風流閒雅神情飛
越也

由北門宛陵驛登舟經黃池出采石遙見太白酒
樓當磯之西南極高處江水淼茫其前則東西梁
山也一日天門一曰博望所謂兩岸青山相對出

孤帆一片日邊來非目覩真景不知此語之天然
畫圖也舟泊燃犀亭下至祠拜公像憑欄遠眺久
之觀樓下蕭尺木畫壁泰岱衡山二嶽匡廬峨嵋
二山皆公當年棲息游歷之所庶幾騎鯨歸來見其
似恍遇其真耶然蕭之運思灑括直亦能開鑿鴻
濛回幹造化想其施手自成奇觀

青山一名謝公山元暉守宣城建別宅於此時往
遊焉有東田詩云戚戚苦無悰攜手共行樂尋雲
陟累榭隨山望菌閣遠樹曖氤氳生煙紛漠漠魚

戲新荷動鳥散餘花落不對芳春酒還望青山郭
范傳正移太白墓於此以公悅謝家青山有終焉
之志今從采石望之蓋不可見土人云在太平府
城東南三十里時方於役會城匆匆解維去客請
賦謫仙樓詩余笑舉方回語云岳陽樓左序壁間
大書孟詩右書杜詩後人不敢復題也

黃山仙靈窟宅奇花異草輕身延年之藥往往出
雲海中而松之怪特莫可名狀最小者植諸盆盎
轉鬻四方好事者競購之余以戊戌春同周君龍

客王君沛臣張子吾未程子偕柳往遊見接路架
壑蒼龍連蜷風送江濤日色爲冷因憶庾開府詩
短松猶百尺少鶴已千年似爲茲山咏也偕柳言
樵蘇不知顧惜旦旦伐之相尋斧斤行且盡矣請
設之禁余因令峰之內屬者有松不問民業僧業
槩責其長養毋得恣伐更行太平令陳君時廉察
焉或言貧民仰採樵爲生今禁非便余曰不然周
官有殺草之令然必黃落乃得入山林槎蘖不剪
皆示民樽節愛養之道也今蕃廡葱鬱用之不窮

而必於松是取虬枝古幹非百年未易成許許數
聲遂供爨下遊人惋惜山靈怨恫豈造物者所以
生材之意且余未嘗奪其利而姑教以辨美惡防
好盡奚爲而不可也偕柳工駢儷有請禁伐黃山
松一篇可補黃山志文多不載

朱竹垞太史送程偕柳還宣城詩云

本集注云柳孝廉庚女壻

也花飛春水都官句山抹微雲女壻詩送子年頭

車一兩蒲林柿葉正紅時味詩意蓋偕柳年少時
也余官於此延接士人待高軒中座客常滿初得

偕柳已訝其蒼然與之談袞袞長辨發爲詩歌麗
藻驚絕而有風骨其婦翁雪坪深器之好遊覽常
客廣陵東南名士皆樂與之交一日謁余出遊黃
山詩百首極可觀余嘗有送偕柳游黃山二絕句
云江淮名勝覽無餘琴劍翩然返舊廬三十六峰
都踏遍胸中丘壑更何如夢想黃山幾度秋只教
卧向畫圖游憑君蠟屐歸來日印證丹青似與不
雪坪自浙東解官歸而病歿余傷之有中原耆舊
彫零盡又向江南哭老成之句亾何偕柳亦病病

新愈會余以事至新安試傳語能同入黃山否偕柳蹶然從之余無以止也登躡危險類能濟勝所作詩又出前百首外旣歸病劇余促張子吾未方子引除沈子元珮往視皆言其能作報部署禮賓客具甚悉惓惓然猶談詩文及遊佳山水也未幾遂不起惜哉偕柳生平負氣誼故雪坪嘆其輕生急友尤有質行父母病劇兩割股和糜使此事聞知於人是傷偕柳心也顧其親舊皆極言之余奚能默乃書以俟立言君子

明陳靜齋

鳳梧

廬陵人以嘉靖丙戌秋巡撫至郡

登敬亭山有詩鑱敏應廟中久仆余命吏與諸殘

碑並立之壁因磨洗亟錄焉具見前人風致特指

謝公以爲靈運或偶失考耳前明一統志亦誤元

虞伯生萬松庵詩云雖微康樂遊曾看元暉屐語

極諦審以此嘆蘇長公作文雖熟事必檢視其意

可想也陳公敬亭山詩

肩輿直上敬亭山最喜名

練層層嵐嶂轟青天萬松澗壑風濤湧千里桑

麻井邑連不盡匆匆登覽與明朝還陟翠雲巔

遊翠雲庵詩乘風飛上最高岑萬疊峯巒深更深雲

染青松連晚谷霜酣紅葉墮秋林昌黎

別業祠猶在靈運遺篇石莫尋坐
對翠微庵外景天風灑灑滌煩襟

己亥初夏吏請臨觀擁翠亭蓋營復於敬亭敏應
廟之後將成矣余已判年不出乃語沈子元珮江
山依舊雲空碧昨日主人今日客有味乎山谷之
言也雖然獨不能爲倉卒主耶因命僣從具肴核
送元珮與其弟介錫張起新汪師退四子而速施
孝虔張鼎若與俱會期以徧歷諸勝明日介錫以
詩來皆以爲直書卽目不可刊置而次第宛然諸
君或吟成或遂輟焉今錄全篇於後 沈廷珩昭

亭紀遊詩

吾郡多名山昭亭乃其一幽境窮以深

主人二樓

公踴躍助行色移其走銀鹿招邀到蓬

筆時維已

亥夏綠葉遮林密初行指廟步遠嶂嵐

光積盤紆

剛十里樞衣乃拾級上有明神居俯瞰

蛟龍室側

聞昔謝公賽雨此昭格誠禱未移時耳

霖遍井邑

舊址惜已荒新規喜重闢門堦既幾

室寢亦奕

奕尋源溯廢典看碑幾捫石遂此經谿

谷披榛躡

山脊蛟窟昨嵌空鳥道半壩仄數折入

青冥峯圍

天地逼忽然靈境開遂與丹梯卽是時

施與張聯

袂已先集脫帽挂高枝閑就巖根奕吾

儕從後來

一笑破清寂憑欄豁兩眸群峯如拱揖

匹練指江

光微茫明樹隙野花無四時開落綴石

壁鳥語時

一喧林梢翠欲滴何以沁詩脾山泉試

烹汲更尋

竹隱庵亂雲相抵突數椽蔽青蔭萬箇

冷空碧境

換耳目新頓覺煩襟滌方丈無纖塵雙

桂比肩立

二老宛若女幾不知何代植懽就理清酌

沈陰生凡

席地僻道徒稀所邁殊樸實爲述太守

開州王曾題墨雪壓垠玕摧歷亂書痕裂惜此龍
蛇姿劇之留其蹟索坑互摩等珍重如拱壁方喜
懸幽懷所惜義輪疾夕陽下層岡曉
腰數峯赤歸途報短篇聊以紀登陟

景德寺今祝釐習儀之所卽唐之開元寺也宋易
今名杜牧詩松寺曾同一鶴棲夜深臺殿月高低
何人爲倚東樓柱正是前山雪漲溪其咏開元水
閣云六朝文物草連空天濬雲閒今古同鳥去鳥
來山色裏人歌人哭水聲中深秋簾幕千家雨落
日樓臺一笛風惆悵無由見范蠡參差煙樹五湖
東余求其遺跡則古砌陰廊荒蘚迷漫寺僧指一

方塘曰此水閣故處也明爲徐尙書園築釣磯作
亭其上園廢仍歸寺余謀復之而刻小杜詩以識
懷古之意僧又以增斃多寶塔請余俱未遑每遙
對夾溪居人尋諷小杜詩嘆其措語工寄興遠唐
人咏此多矣恐無以過之

永慶寺在城東有古栢二輪囷突兀大者圍尋餘
真數百年物也歲戊午軍興邑令採造戰艦施愚
山捐金購他木易之至今猶存考寺始唐末刺史
臺濛舍宅建郡邑每歲迎春於此余見其圯且盡

慨然曰是爲吾民歲事計夫陽和始生草木萌動
官民方迓淑氣兆豐年而頽垣破瓦意象蕭瑟非
所宜也購得巨材百餘本將擇日興工而遂以艱
去事無小大率作貴及時固若此

梅都官有風雪雙羊路梅花溪上村之句故城南
有梅溪在雙羊山下都官墓卽城南今梅氏會慶
堂在焉其側有栢山寺明郡守范公吉爲作景梅
亭余考文信國之來爲郡也越月召還然振新廢
務汲汲焉表式先賢嘗修都官墓爲詩弔之有云

大雅獨不墜修名照乾坤再拜墳上土躡履揖諸
孫握手慨以慷而有典刑存渥洼生騏驎荆山產
璵璠悠悠清渭流眷言葆其源裔孫東渚

枝鳳

詩

古文名家重刻宛陵集行於世其孫淑伊

北頤

亦

能詩嘗爲余備述遺跡初余於辛卯端陽前一日
同司馬郭見齋馬令扶九游此訪梅都官墓景梅
亭遺址有詩云稻秧新插碧連天細水平橋野寺
前繫馬攜僧尋往蹟孤亭遺塚見荒煙都官詩句
因窮好歐老文章爲友傳杯酒欲澆無處得松林

歸路意茫然蓋惜此亭之廢爲躊躇者久之

蘇州有梅都官園在府治之西祝慙野錄云聖俞

晚年謝事卜築滄浪之旁與子美

蘇舜欽居滄浪亭

相隣

二公一時名勝日夕往還賦詩相得甚懽今猶稱

其地爲梅家園按都官作滄浪亭詩曩子初去國

我勉勿逃津四方不可之中土百事淳史稱天聖

中學者爲文多病偶對獨舜欽與河南穆修好爲

古文歌詩一時豪傑多從之游今考其時爲古文

歌詩者如尹師魯梅聖俞亦與子美皆歐陽文忠

所爲針芥水乳宜其歿生相厚善也都官之詩以
深遠古淡爲宗故王文康公睹見之嘆曰二百年
無此作殆橫制頽波於西崑詩敝之日故也明程
篁墩謁梅都官祠詩極得其體源矣程敏政詩自
刪述來詩道幾更變騷些無遺聲漢魏起羣彥謝
鮑及沈宋入眼已葱蒨頽波日東馳李杜出如殿
當時多渾成豈必事精鍊云胡倡唐音趨者若郵
傳坐令詩道衰花月動相眩千載宛陵翁惟我獨
歆羨翁辭最古雅翁力亦豐瞻獨立天地間留此
中典卷如何近代子落落寡稱善紛紜較唐宋甄
收失良賤無乃久浸淫會靡得真見渺渺歲將冬
南來宛陵縣頓首升公堂松竹猶眷眷感慨撫陳
迹江水一再奠我心風景仰我學
誠轍線上想三百篇此境誰復踐

宣城梅霜厓

詩

善詩所刻咏物一百首皆盛傳於

時以篇目多不載古人體物精切尤在自然袁海
叟白燕詩出一時名作俱廢正以此也客有舉高
遺山太史少時同里人賦水中雁字云自可羽毛
依日月誰知文字動江湖咸推逸品非雕繪家所
及

毛西河太史月夜與張南士遊天衣寺將賦月中
桂忽憶唐張喬有詩因誦之至每向圓時足還因
缺處空影高羣木外香滿一輪中未種丹霄日應

虛白兔宮遂罷吟此華省試題也喬擅塲見唐人

王保定據言

按喬本宣州南陵人與許棠鄭谷諸人稱十哲唐詩人爵里諸本並載池

州人疑以隱九華故唐書昭宗大順進士郡志選舉載開元劉昱榜亦誤

王新城分其餘話云久客見華髮孤棹桐廬歸新月無朗照落日有餘輝魚浦風水急龍山煙火微微聞沙上雁一一皆南飛宋初潘閬詩也高妙不減岑嘉州又夜涼疑有雨院靜若無僧亦佳句故友施侍讀愚山宿越州天衣寺云月照竹林早露從衣袂生亦不減閬語

許君信

以忠

尺牘與王百穀屠赤水齊名周櫟園

先生尺牘藏弃集斥百穀謀野集爲墮雲霧蓋書
疏之難在於中情而雅以彌衡之簡傲其爲人作
書輕重踈密各得其宜是則才優而不盡使也勝
國神熹之際士大夫辭令以穠纖博瞻相高故君
信與諸家應和片楮寸牘膾炙人口余在北嘗見
諸家刻本多有君信篇翰至南陵問其里人則所
謂愛日堂集者不可復得矣

凡簡牘小品晉唐語玄雋漢及南北宋䟽通而駢

儷尙不與焉前朝涇進士張東山應泰精心四六

得宋人微婉頓挫處異夫剽獵以摹初唐者

郡志載陸雲與嚴宛陵書

少長之序禮之大司晚節陵替舊章殘棄瞻言

令典既慕欽承仰憑高風實副邦民謹奏下啓以藉虔款思復未遠庶免悔吝嚴隱答雲

書

奉詠美旨流風綽遠復禮興仁命世之作獲

每

尚齒之貺無尊賢之報抱此永懷愧歎何有爲循環想古人溫雅簡至語饒氣韻也其餘若杜

牧上宣州崔大夫書豪宕婉切卽有贈送諸篇體

製不類書啟然極情文斐亹迥異後人顏真卿送

劉太冲叙蕭穎士送劉太真序并詩是也

江南皆尙湖筆余在嘉禾習用之至寧索可供摹
畫者亦解仿湖筆殊不能窮其工然宣筆久流傳
於世觀黃山谷頗重宣州鼠鬚筆林和靖云頃得
宛陵諸葛筆如麾百萬之師所向如意今未聞有
得諸葛高法者墨池璵錄載宣州陳氏家傳右軍
與其祖求筆帖至唐柳公權求筆陳氏先與二管
戒其子曰柳學士如能書當畱此不爾退還即可
常筆與之柳果以爲不入用陳謂先與者非右軍
不能柳信與之遠矣夫筆之應手手之應心所謂

有數存其間者耶白樂天有宣州紫毫筆歌故今
猶稱紫毫蓋唐時曾以入貢樂天因事託諷殆得
風人之遺者又不獨以其善咏物也 白居易宣

州紫毫筆歌

紫毫筆尖如錐今利如刀江南石上

采爲筆千萬毫中選一毫毫雖輕功甚重管勒工
名歲充貢君今臣今勿輕用勿輕用將何如願賜
東西府御史須須左右臺起居榻管趨入黃金闕
抽毫立在白王除臣有姦邪正衙奏君有重言直
筆書起居即侍御史須知紫毫不易致每歲宣城
進筆時紫毫之價如金貴慎勿空將彈失儀慎勿
制詞 又曰下舊聞載元王憚贈燕京筆工張進

中詩云雖出劉遠徒妙有宣州致然則筆之名於

世者宣城最也而今失其傳乃仿湖筆爲贗鼎矣
宣城包氏工畫虎而世傳包鼎虎尤見貴重李廌
德隅齋畫品云包鼎所畫乳虎圖絹素雖破精潤
如新余嘗記金人詩有咏虎者開章云風色偃貂
裘遽擲筆大叫曰虎來矣遂單行五字蓋神來也
近每索沈兆符廷瑞劉亦陶期侃尤二酉書倪淳
可志淵四子畫叩其所自卽師法古人亦其鄉有
兩孝廉梅瞿山清雪坪庚蔡曉原瑤王湛斯露釋
半山在柯所謂畫手推前輩也蘇長公論趙大年

以爲更讀書十年當不讓文與可梅氏兩孝廉詩
名滿海內而畫品亦高只爲其中有萬卷故耳

桐城張吾未

純

作竹小印取竹根堅强者礪之錯

之再四審視依形肖狀配以章法繁簡相參古雅
奇翫余謂使及周櫟園先生時定當入印人傳矣

乃令郭生公調

宗鼎

師其手意然吾未曾及方有

懷中發

之門詩甚工有中唐清婉之風書法結體

亦適能不以窮累古人詎難到也

宣城何子華邀客於剖金堂酒半出嘉陽巖峻畫

陸鴻漸像子華因言前世或神駿者爲馬癖泥貫
索者爲錢癖耽於子弟者爲譽兒癖耽於褒貶者
爲左傳癖若此叟者溺於茗事將何以名其癖楊
粹仲曰茶至珍蓋未離乎草也草中之茸無出茶
上者宜追目陸氏曰茸草癖座客曰允矣哉此清
異錄中語也余謂陸善品泉故能適茶之性如武
夸茶得通仙井水乃復有異味且真茶無色故有
謂面目清冷了無和美之態安得以爲草之茸者
耶汪蛟門懋麟遊敬亭有試茶詩云秋入禪房靜

烹茶得翠雲煙從林外繞泉向石邊分施愚山咏
翠雲茶詩酌向素瓷渾不辨乍疑花氣撲山泉得
綠雪茶汲此中泉煮之起陸氏於茲又不知作何
品目也

陳其年太史鈔 本朝名人詩爲篋衍集不以示
人歿後同里蔣京少始得於敝簾而傳之余讀而
思其所以然之故殆不可以言詮索也昔人論國
風云作自衛者衛人所錄爲衛作者衛人所傳愛
是編因鈔其係宛者得如干首姜埰宣州有感二

首

南國遷流日西京喪亂年山城聊晚處水樹隱

覺

盡前賢何事緣溪去悠然路轉冥竹林黃檗寺

風

景謝公亭湖草水全暗江天山更青滄州吾意

遠

白髮施閨章過湖北山家路回臨石岸樹老出

况

星星施閨章過湖北山家牆根野水合諸澗桃

花

成一村呼鷄過籬柵行酒盡方文送沈治先歸

兒

孫去矣吾將隱前峯恰對門

宛

兼寄令兄斜生二首秋江同作客春水又同歸

對

牀聽夜雨把酒問漁磯坐惜沙邊鳥乘風忽背

飛

賢兄真處士抱道隱深山人世空相憶雲鴻不

可

攀舊交多白首辛苦老朱程可則遙題友人別

顏

獨有鶴原好今年又出關

業

君買陵陽曲爲園好著書山川歸几席身世付

業

遠盧翦竹防朱檻留鶯伴綺疏敬亭還在目何

異

讓洪昇送吳位三歸宣城宋家丞相後喬木到

西

居

人無此心偶來京洛道旋反敬王士禎瞿山畫松亭陰芳草白雲外春山深復深

歌寄梅淵公

誰能畫龍兼畫松鱗而爪鬣行虛空

韋鑾董羽兩奇絕眼中突兀瞿山翁瞿山翁所居

乃在柏枧深山中此山上與黃山通軒轅鼎成上

天去遺薪往往成虬龍翁時散髻坐顛頂興酣潑

墨浮空濛孤根裂石不三尺倒飲萬丈疑雄虹瞰

臨崢嶸下無地盤拏雲霧迴長風世人少見多所

怪絕技豈必昭羣聾兩峯對起何龍嵒瀑流直下

當其衝輓雷噴雪不知數下與松勢相撞春撫松

看瀑者誰子得非倥傯之屬青羊公何時與翁結

廬天都雲海東松肋煮罷周在浚山栖長句行爲

梅耦長作

海內幾人爲長句前有吳公後陳髯

微裘乞酒訝奇絕

我翁當時筆力健洋洋灑灑格法嚴

詞伯謂無此調幾百年屈指當代作者誰琅邪兄

弟爲精研西塾八家七子各樹幟長篇累牘如金
荃後來之彥推江左句無煙火真神仙布衣遺
民半老死杜叟聲調能娟娟紆此外擅長各自負
惟於歌行難比肩上下古今二十載茫無津岸如
狂顛意中久識梅子好國雅會讀孤兒篇宛陵悲
尺隔煙水終當把袂相周旋癸丑七月月上弦揚
舲夜發休纏綿孤城到眼足已先雙虹欲渡猶蹢
躑陵陽名士真翩翩就中果爾梅子賢書畫文章
事事兼一時將去爲不廉山栖一卷日留連獨存
大雅薄新尖元白傷但義山纖少陵滴派惟子然
吾曹從此口須箝安能附子爲鵜鰾敬亭秋霽生
晚煙響山月好期放船淒風忽動愁病添羈人潦
倒夜不眠欲去不去心懸懸朗讀施閨章谿館幾
子詩勝藥砭聊復爲子須臾焉
東風萬葉齊獨尋孤館就雙谿藤花小落過松鼠
林雨初收叶竹雞句曲水通茶竈外敬亭山見石
關西殘編列架生涯王士祐閣上坐雨望敬亭樓
足餘興還鉏種藥畦

青山碧四圍。盞胸雲氣欲霑衣。愁中碧草侵階長。
望裏春禽接翼歸。閒倚枯藤清興極。漫傾濁酒賞
心違。蒼松翠篠空如周。在浚宛陵秋懷。魯明江上
畫。招悵煙嵐。屐齒稀。
水蒼茫似洞庭。兩岸農歌秋穫早。幾聲漁笛夜航
停。誰來灑酒桓彝墓。客欲消魂謝眺亭。文春何須
尋往蹟。却從郡公。洪昇送孫容齋任衡陽二首。南去
裏識瞿硎。公。秋氣新。片帆湖水碧。磷磷趨庭忽。憶少年。日七十
二峯如故人。京洛論交眼。最青別時期。我問湘靈
扁舟或趁南風便。八月十二夜。天延閣聯句。高秋
一路青山過洞庭。八月十二夜。天延閣聯句。聚良
朋。氣與煙雲發。閣敞延清虛。陳世。天空亘嶮峴。女
牆絳蠅螭。紅官樓紫齒。峯鉤斜交遠。畦。滿蔽虧。帶
蒙樾。曠觀聳五尋。鑑允新構盈十笏。文壁銜金虹
蹴雕梁。鏤王鴈。孤空納沆瀣。庚。百里見毫髮。柏規
香正浮。絳菴峯光未沒。身輕接縹緲。露目縱領超
忽乍瞋。羣動收。諧驟寒衆芳歇。暑徂火屈流素霧。

淨風初揭遠刹撞昏鐘
 橋泌窈窕蟾蜍窟輪非三五盈
 僕會須修庚探斧未堪伐月魄
 邀月於時四宇澄露頗覺羣典
 羅列詫倉猝蚶蜎漬拌杆庚貍
 頤鱸涉更翦紫拳蕨笱肺薦春
 清齊酒有醴劑餽餽麵無麤筵
 金谷罰博齒課臬盧清母陣嚴
 庚墨守值文厭猛者力搏象祥
 舉宵辭涉銅鑄呬難竭其勁颺
 杭其莽海澎湃諧攪川流溢泥
 時吸短蠟橋氣震鄰圉露餘勇
 丙素旁搜到碑碣細研荆闕
 囊官錦殷涉素盎哥密滑古煙
 吾厠駿圖嘶驕騏祥獵障走
 馬唐回紇官壺范盍廐泌姜
 劍鞞圭剝漢鉞對此重摩挲
 付練染遭燹委楮栳班班各
 爛然祥一見貽厥

撫景惜堂堂憂生怪咄咄木陂荷長鏡庚瓜畦疏
暗塌移藥洗花牀時蘭護銀堡可憐蓬梗飄祥同
此霜蹄蹶信陳琳工口還到艾訥沈即移革帶
清梅尉寂鳴鐵華胄迦鍾繇露健筆數王勃瘠自
謂山雁諸肥寧等瓠膺阿士盡崢嶸清誰儉敢齧
斲險韻肇字闔祥勅敵吹疵艱或如葉咀蠶素或
如草起鵲或如雲蛇蟻庚或如風勃宰怪語叱軒
轅泌逸氣制溟渤折肱孰能之解聾牙我當曰十
重圍火攻庚五字訟面許才穎發新硎清塗窮惡
枯槩且與樂沈冥焉能事干謁黃河瓠子歌祥白
畫蚩尤李支祁蕩汴淮聆隧燎閩粵叩關閭闔遙
庚垂戒象緯悖舖槽彼汶汶濡首咸汨汨觴政夜
闌弛諸醉餘談鋒突脂轄索井投戴鋪就陶掘槃
間鴈鶴舞泌礎傍花奴羯叫鬻髻脫幘爬搔脚不
轍山桂香葳蕤庚海棠暝恍惚狸嗥動客嘆鼠墮
遭童捋涼簪饑蛩號嚙語雜雞詩沈月漸微茫曙
星候突兀極樂初忘疲素就眠深
覺訖良會在中秋重期泛寶筏

書後詩

聞二樓紀略已有成書喜作古體詩五十韻
以當書後

名勝古賢踪湮廢或無考歸然存已稀儷美良非
偶往遊明聖湖蘇白雙堤阜要於政教裨斯能垂
不朽吾郡古宣城自昔多良守騷雅擅元暉高齋
名獨有今日道重光百代成尚友仰止南樓尊巍
巍北樓耦政事與文章輝映相先後猶憶下車年
災黎室空九分已安溝壑其遑謀并白公來寒谷

溫如療甦軒后盡堵圍田決頓復河防舊省耕觀
穡事單車歷隴畝救旱宿祠宇赫曦躬步禱遠糴
平市估荒政精蒐討多方疾苦詢深燭窮簷蔀每
以片言折公明開善誘未嘗掩高閣諍辭初不擾
舍萊嚴宮牆修築煥丹黝頽圯一朝新尊經儲二
酉念茲文星祀臺址依龍首塔名在郡校左翼矗立衛膠
庠形勝增高厚頻修亦屢墜瓦礫蓬蒿茂清俸善
捐倡不日成工奏軒崇倍厥初真堪摘星斗况乃
書院葺學舍環其肘生徒廣招致名師延講授簿

領旣多暇往往偕僚友東山握麈尾北海盈樽酒
彈琴賦新詩酬唱皆瓊玖下榻來遠朋授几賓黃
耇禮意何雍肅談諧樂虛受仍欲法希文蘇湖爲
則倣嘉惠志方殷銜卹失民母愚民希望外墨衰
求借寇 九閭終莫達呼籲徒奔走惟公哀慕深
土苴棄華綬毀瘠異尋常至孝嗟童叟懿哉身教
先施澤十年久文藻踵前修經綸誠大手元暉與
顏頤不知誰者右南史及齊書本傳殊多漏賴有
驚人詩千秋播人口紀載茲徵信網羅兼所取他

日翼圖經永與斯樓壽潛軼藉闡揚奚啻銘鐘
勿翦階墀松勿折池邊柳從此二樓間郇召甘棠
好庶俾來者興古義長相保

治宣城梅文鼎拜稿

時年八十有二